



Enkolóng e Jumamósi nairówua

Nombulelo Thabane and Tessa Welch Maa




Óre enkolóng nabô te olápâ lé tomom aáre, néírowúáju olêng. Négogong'ú póoki ng'ái. Néjokí ng'otonyé Síalo, Títo o Kekó, "mayíéu nádol intáí te embatá é nanu."





Néípang te áji. Néjokí Kéko inkulíe, "émáapé olkejú."
Néwalikí Síálô ajokí, "kéíróbi inê". Káke etiáka Titó, "mmê peê kípúo áaisómpírâ. Te olóîp aké kíngurân, te embatá é enkáré".

Étón aké éírówúa te enkíguran é Libeke te entonatá ó olchaní. Níking'as áaitayu inamúka, káke étón aké éírówúa. Níkintokí áaitayu inkiláni, káke étón aké éírówúa.




Níkintadóíki inkejék atúa enkáré peê eiropíju.

Níkintokí áasuaakino enkáré. Káke eitáshala iyíóók enkáre.



Néjo Kéko, "óotú émátaar enkáré, amû imeyíólou áíkata yíéyiô".

Níkiaar enkáré, níkisompíra, néítu kintokí áaduaaya enkolóng.






Óre peê edoyíó enkólong, níkinteru áaning enkijápe.

Níkipukú te enkáre áaing'oru inkiláni.

Kóreê dúóó inkiláni âng?

Níkitalú te áborí ilkeék. Níkitalú te entîm. Níkitalú te póoki wúéjî.






Óre te embatá ó olkejú, nétií inkíshu náagirá áadaa áanya inkújít.

Néshumúnye Sóíla, Titó ó Kekó áaing'or inkíshú. Néduáya entóki nadó nanyáíta enkíteng. Néjo Sóíla, "einosíta enkíteng entapúkái nadó".

Néwalikí Kéko ajokí, "mmê entapúkái, enkilâ inó".

Nékidol áí kíténg nányáíta entóki půs. Nébuaku Titó ajó, "enkilâ áí idía!"



Nékishukó áng míkíaata inkiláni, kinkiríkira te enkíjape.


Nékinchír áajo, "inkíshú náainosâ inkiláni âng."

Káke íjó kétonyorráyie yíéyío? Óre ínâ kátá aké, néírowúáju iyíóók iltúlî, némé te enkárakí enkolóng.



Enkolóng e Jumamósi nairówua

Writer: Nombulelo Thabane and Tessa Welch
Illustration: Wiehan de Jager
Language: Maa



© African Storybook Initiative, 2014



This work is licensed under a Creative Commons Attribution (CC-BY) Version 3.0 Unported Licence
Disclaimer: You are free to download, copy, translate or adapt this story and use the illustrations as long as you attribute or credit the original author/s and illustrator/s.

